



□ 11  
2971  
50



2971  
50



子史鈎沈

張霸尚書百兩篇

甘泉黃奭學

逸書考

伊尹死大霧三日 案古文百篇內有沃丁序云沃丁既葬伊尹於亳咎單遂訓伊尹事作沃丁皇甫謚云沃丁八年伊尹卒卒年百有餘歲大霧三日沃丁葬之以天子禮祀以太牢親臨喪以報大德此疑即百兩篇本文以漢書及論衡皆云霸案百篇書序而作是百兩篇內亦必有沃丁篇王充但引此二句其全文首尾或有傳者故謚得采入帝王潛出世紀也若如竹書紀年所云太甲七年王潛伊自桐殺伊尹天大霧三日乃立其子伊陟伊奮命復其舊父之田宅而中分之其言大霧三日雖同此文事屬誣罔非謚所據以此知霸書猶可取也

張霸百兩篇

昭和十八年  
五月十日  
吳求

惟太甲元年十有一月乙丑朔伊尹祀於先

王誕資有牧方明三統歷譜引伊訓篇

粵若來三月既死霸粵五日咸劉商王紂惟

四月既旁生霸粵六日庚戌武王燎於周廟

翌日辛亥嗣於天位粵五日乙卯乃與庶國

祀馘於周廟二統歷譜引武成篇

三日曰朏漢書律歷志引月采篇

惟十有二年六月庚午朏王命作策豐刑漢書

律歷志引豐刑篇

周公奉鬯立於阼階延登贊曰假玉蒞政勤

和天下漢書王莽傳引嘉禾篇案玉海以上五條並入張霸偽書經義考以入

尚書逸篇

武王渡河中流白魚躍入王舟中武王俯取

以祭既渡有火自上復于下至于王屋流為

烏其色赤其聲魄史記周本紀索隱曰此見周書及今文太誓

武王即位九年欲修文王業東伐以觀諸侯

即否師行師尚父左杖黃鉞右把白旄以誓

曰蒼兕蒼兕總爾眾庶與爾舟楫後至者斬

遂至盟津諸侯不期而會者八百諸侯諸侯  
皆曰紂可伐也武王曰未可還師與太公作  
此泰誓齊太公世家索隱曰此文上下並今  
文泰誓○揚慎曰尚書泰誓無蒼兕  
舟楫之文蓋張霸偽作之泰誓也按  
經義考亦以今文泰誓入擬經類

子史鈎沈

逸書考

鄭衆國語解詁

甘泉黃奭學

鸞鷲鳴於岐山

鸞鷲鳳之別名也

韋解引三君云  
君謂鄭賈唐

案三

周文公之詩曰兄弟鬩于牆外禦其侮

常棣召穆公所作

韋解引鄭唐二君

鄭伯南也

南謂子男鄭今新鄭新鄭之於王城在畿  
內畿內之諸侯雖爵有侯伯周之舊法皆

食于男之地

韋解 案鄭志荅趙商亦有此語見詩鄭譜正義

火見而清風戒寒

火心星也清風寒風也

書鈔歲時部四案御覽三十四不

言是鄭注

昊天有成命二后受之成王不敢康

言昊天有所成之命文武則能受之謂脩

己自動以成其王功非謂周成王身也

韋解

引賈鄭唐說 已上周語

尹維旅牧相宣序民事

師尹大夫官也掌以美詔王維陳也旅衆

士也牧州牧也相國相也皆百官政事之

所及也一曰師尹公也詩云赫赫師尹

韋解

引三君云 魯語

夫管夷吾射寡人中鈞是以濱於死

濱近也管仲臣於子糾乾時之戰親射相

公中鈞

韋解引三君云 齊語

公請隧

隧王之葬禮

韋解引三君云

鄭眾因吾解古

而慈惠二蔡

蔡文王子管叔初赤為蔡

韋解引三君

卻至以韎韋之跗注

一染曰韎

韋解引三君云

問於張老

張老中軍司馬也

韋解引三君云  
已上晉語

應韓不在

不在時已亡也

韋解引三君云

秦景襄於是乎取周土

秦景公宣王季年伐西戎破之遂有其地

韋解引三君云  
已上鄭語

射不過講軍實

軍所以討獲曰實

文選吳都賦劉注

於是乎作懿戒以自儆也

懿戒書也

韋解引三君云  
已上楚語

行頭皆官師

官師大夫也

韋解引三君云

擁鐸拱稽

稽計兵名藉也司禮聽師田以簡稽韋解引鄭

國人欲告者來出

告不任兵事也韋解引三君云已上吳語

附錄

晉侯端委以入

韋解引說云衣立端冠委兒諸侯祭服也案昊天有成命二后受之成王不敢康韋解引賈鄭唐說言昊天有所成之命文武

則能受之謂脩己自勤以成其王功非謂周成王身也據此則所引說云卽是三君之說又有引虞說引賈虞說然不知孰爲賈孰爲唐孰爲虞故一槩附於鄭注之末以備參攷周語

王后親織立統

韋解引說云統冠之垂前後者說見上

繹不盡飫則退

韋解引說云飫宴安私飲也說見上已上魯語

反胙於絳

韋解引說云胙賜也謂天子致祭胙賞以大輅龍旂桓公於絳辭之天子復使宰孔致之

說見上

三革

韋解引說云三革甲楯鼓

說見上以上齊語

佐新軍

韋解引說云新中軍也

說見上晉語

遠我一二兄弟之國

韋解引說云謂齊納欒盈以伐晉

說見上

昔周室違天之降禍遭民之不祥

韋解引說云謂民流厲王於筭

說見上

王曰辯

韋解引說云別物善惡

說見上

王背檐而立大夫向檐

韋解引說云檐屋外邊壇也

說見上已上吳語

不能乘其車

韋解引說云吳是時未知以車戰申公巫



臣使其子狐庸教之

四年乘其車

韋解引說云魯哀三年

說見上越語

王背黜而立大夫向

韋解引說云昭公善惡

子曰

昭公使子狐庸教之

昭公使子狐庸教之

昭公使子狐庸教之

子史鈎沈

逸事考

賈逵國語注

甘泉黃太學

先王耀德不觀兵

凡之二言也

不耀明也

師士之孫也

載戢干戈

並文

戢藏也

選註

載囊弓矢

唐云囊韜也

昔我先世后稷

賈逵國語注

唐云父子相繼曰世並史記集解

庶民弗忍欣戴武王戴奉也

要服者貢

貢獻也並文選註

今自大畢伯士之終也

大畢伯士犬戎氏之二君也史記集解

守終純固

純專也文選註

得四白狼四白鹿以歸

白狼白鹿犬戎之職貢也史記集解

女三為粲

粲亦美貌

是鄣之也

鄣防也並文選註

猶其有原隰衍沃也

唐云下平曰衍有漑曰沃集解

流王於彘

流放也文選註

陳錫載周

唐云言文王布錫施利以載成周道

虢文公諫

文公文王母弟虢仲之後為王卿士並史記集解

農祥晨正

唐云農祥房星晨正晨見南方謂立類聚之日也

于其祗被監農不易

祗敬也被除也不易土物之宜循其土俗不易也

王乃淳濯饗醴

饗飲也王沐浴飲醴酒並書鈔

后稷監之

監察也文選註

膳夫農正陳藉禮

農正田大夫主敷陳藉禮而祭其神為農

祈也

書鈔

王耕一墾班三之

一墾一耦之發也耜廣五寸二耜為偶一

發廣尺也班次也三之謂公卿大夫也王

之下各三其上公三發卿六發大夫九發

成天子三推謂諸侯九推也

類聚

司徒省民大師監之

大師三公官也

瞽帥音官以省風土

音官樂官也以音律省風土風氣和則土氣養

廩於藉東南鍾而藏之

廩御廩一名神倉東南生長之處鍾聚也

謂為廩以藏王所藉田以奉盞盛

百官御事

御治也

並書鈔

紀農協功

紀猶錄也

王事唯農是務

唯獨也並文選註

是教逆也

唐云言不教之順而教之逆史記集解

宣王欲得國子之能導諸侯者

國子諸侯之嗣子或云國子諸侯之子欲

以訓導諸侯子也唐云國子謂諸侯能治國子養百姓者○韋昭

國語

王既喪南國之師

唐云南國南陽也

伯陽父曰周將亡矣

唐云伯陽周柱下史老子也並史記集解

水土演而民用也

演引也

所以阜財用衣食者也

阜厚也

觀其苛慝

苛煩也

鸞鷲鳴於岐山

鸞鷲鳳之別名也

車服旗章以旌之

旌表也

並文選註

鄭武莊有大勲力於平桓

唐云王奪鄭伯政鄭伯不朝王伐鄭鄭祝

聘射王中肩豈得為功桓當為惠

鄆之亡也由仲任

唐云鄆為鄭武公所滅非取任氏而亡也

郕山叔姪

唐云亦鄭武公滅之不由女亡也

鄭伯南也

南者在南服之侯伯或云南南面君也

語解

翟人來誅殺譚伯

唐云譚伯周大夫原伯毛伯

王勞之以地文公辭請隧焉

隧王之葬禮闕地通路曰隧

國語解

余一人僅亦守府

文選 僅猶言纔能也

野有庾積

國語 唐云十六斗曰庾

火見而清風戒寒

戒人為寒備也

棄其伉儷妃嬪

並文選 儷偶也

不亦瀆姓矣乎

姓名也一曰夏氏姬姓鄭玄亦姬姓故謂

之瀆姓

不亦簡彘子

簡畧也

乘人不義

乘陵也

謂我曰夫何次之有

謂告也

言爽日反其信

爽貳也

並文選註

於今再矣

於今單襄公時也晉厲公即黑臀之孫也

黑臀之後二世為君與黑臀滿二世矣

唐時晉景公在位成公生景公故言再○國語解

襲于休祥

襲受也

穀洛鬪將毀王宮

鬪者兩會似於鬪

並文選註

衆不隳崩

小崩曰隳

後漢書註

昔其工棄此道也

共工諸侯炎帝之後姜姓也顓頊氏衰共

工氏侵陵諸侯與高辛氏爭而王也或云

共工堯時諸侯為高辛所滅

國語解

度之於軌儀

軌法也

謂其能為禹股肱心膂



膺脊也

至於今未弭

弭忘也

並文選註

或在缺畝

一耦之發廣尺深尺為畝百步為畝

二后受之讓於德也

言二后所以受天命者以能讓有德也謂

詢於八虞訪於辛尹之類

並國語解

膺保明德

膺受也

文選註

景王將鑄大錢

虞夏商周金幣三等或赤或白或黃黃為

上幣銅錢為下幣大錢者大於舊其賈重

也

唐云大錢重十二銖文曰大泉五十○國語解

關石蘇均

關通也

田疇荒蕪

二井為疇蕪穢也

並文選註

王將鑄無射而為之大林

無射鍾名律中無射也大林無射之覆也

作無射而為大林以覆之其律中林鍾也

不過步武尺寸之間

半步為武

並國語解

觀美而眩

眩惑也

文選註

行之以節八風

八風八卦之風也

初學記

眾口鑠金

鑠消也

文選註

律以平聲

律黃鍾為宮林鍾為徵大蕤為商南呂為

羽姑洗為角所以平五聲也

所以金奏贊陽出滯也

大蕤正聲為商故為金奏所以佐陽發出

伏滯也

國語解

憚其犧也

賈逵國語注  
憚畏也

周易釋文

蕩以為魁陵糞土

小阜曰魁

文選註以上周語

先王制諸侯使五年四王一相朝也

王謂王事天子也歲聘以志業閒朝以講

禮五年之閒四聘於王而一相朝者將朝

天子先相朝也

唐云先王謂堯也五載一巡守諸侯四朝

丹桓宮之楹而刻其楹

唐云桓榱頭也

大懼殄周公大公之命祀

周公為太宰大公為太師皆掌命諸侯之

國所當祀也

並國語解

其次用鑽笮

鑽鑿也

五刑三次是無隱也

隱私也

海鳥曰爰居

爰居雜縣也

帝嚳能序三辰以固民

三辰日月星也並文選註

有虞氏禘黃帝而祖顓頊郊堯而宗舜

有虞氏舜後在夏殷為二王後故有禘郊

宗祖之禮也

夏父弗忌為宗烝將躋僖公

烝進也謂夏父弗忌進言於公將升僖公

於閔公上也唐云烝祭也

其天札也

未名曰天並國語解

助生阜也

阜長也

山不槎斲

槎邪斫也

若鮑氏有鬯

鬯兆也

陷而不振

振救也

臣以爲肄業及之

肄習也

倚止晏萊焉

從後牽曰倚

並文選註

土之怪曰墳羊

唐云墳羊雌雄未成者

史記集解

內朝子將庀季氏之政焉

庀由理也

文選註

師尹惟旅牧相宣序民事

師尹大夫官也掌以美詔王惟陳也旅衆士也牧州牧也相國也皆百官政事之所及也

宗不具不繹

宗宗臣主祭祀之禮不具謂宗臣不具在

則敬姜不與繹也

唐云繹祭之明日也

男女之饗不及宗臣

男女之饗謂晏相饗食之禮

宗室之謀不過宗人

唐云不過宗人則不與他姓議親親也並國

語解

分同姓以珍玉

珍寶也文選

今吾子之教官寮

唐云同官曰寮

李康子欲以田賦

出一井也周制十六井賦戎馬一匹牛二

頭一井之川謂十井之賦也以

是以濱於死

濱近也

九妃六嬪

唐云九如三國之女以姪娣從也並國語解

合羣容比校民之有道者

校考也

比綴以度

綴連也

羣萃而州處

萃亦處也

權節其用

節制也

並文選註

制國以為二十一鄉

唐云四民之所居也

士鄉十五

唐云士與農共十五鄉

鄉有良人焉

良人鄉士也

並國語解

訾相其質

訾量也

鄉不越長朝不越爵

越踰也

索訟者

索求也

並文選註

纒山於有牢

纒還也

後漢書註

使海於有蔽渠弭於有渚

海濱也有蔽言可依蔽也渠弭稗海也  
水中可居者曰渚

有革車八百乘

謂一國之賦八百乘也乘七十五人凡甲  
士六萬人並國語解

桓公與諸侯飾牲為載以約誓於上下庶神  
飾牲陳其牲為載書加於牲上而已不歆

血也書鈔

勦力同心

勦力并力也文選註

反胙於絳

反復也胙位也絳晉國都也晉獻公卒奚

齊卓子死國絕無嗣晉侯失其胙位桓公

以諸侯討晉至高梁使隰朋帥師立公子

夷吾復之於絳是為惠公國語解

天威不遠顏咫尺

八寸曰咫文選註

大路龍旂九旒渠門赤旂



大路諸侯朝服之車謂金路史記鉤樊纓

九就龍旂九旒也渠門亦旂名赤旂大旂

天也國語解○

所以示權於中國也

權秉也秉即柄字

必甘受逞而不知

逞快也

今晉寡德而安俘女

伐國取人曰俘

肆侈不違

肆恣也並文選註

非禮不終年

十年而數終唐云不能終其年與下不盡齒同○國語解

民之疾心固皆至矣

疾惡也文選註

伯氏不出

伯氏申生也

懼不孝不懼不得

不得不得君心也

並國語解

多為之故以變其志

故謀也

不鄭曰惜也

惜痛也

並文選註

殺君以為廉

廉猶利也以太子故殺君以自利

唐云為太子殺

奚齊不有其國以為廉也

命之以汾陽之田百萬

汾水名汾陽晉地百萬百萬畝也

並國語解

黃金四十鎰

一鎰二十四兩

文選註

貞之無報也孰是人斯而有是臭也

貞正也謂惠公欲以正禮改葬世子而不

獲吉報也孰誰也斯斯世子也誰使是人

有是臭者言惠公使之也

國語解

其魄兆於民矣

兆形也

作轅田

轅易也

文選註爰易也轅爰字通

為易田之法賞眾以

田易疆界也

唐云讓肥取境也

底箸滯淫

淫久也

既而揮之

揮灑也

並文選註

同姓為兄弟

兄弟婚姻之稱也

凡黃帝之二十五宗

唐云繼列為小宗

昔少典取於有嬌氏生黃帝炎帝

少典黃帝炎帝之先有嬌諸侯也炎帝神

農也

唐云少典黃帝炎帝之父也

畏黷敬也

黷媒也

薦在宗廟君之力也

在宗廟為祭主也

並文選註

尚有晉國

尙且也

內有震雷故利貞

震以動之利也侯以正國貞也利義之和也貞事之幹也

十月惠公卒十二月秦伯納公子

韋昭云四傳魯僖公

二十三年九月晉惠公卒而此云十月賈侍中以爲閏餘十八閏在十二月後魯失閏以閏月爲正月晉以九月爲十月而置閏也秦伯以十二月始納公子公子以二十四年正月

晉泉

元年春公及夫人嬴氏至自二城

是月失閏以三月爲四月故曰春而不言

其月朔四月爲春分之月也嬴氏秦穆公

女文嬴也

並國語解

令疏軍而去之

疏除也

文選詩

文公誅觀狀以伐鄭

鄭復效曹驂脅之狀故伐之

唐云誅曹觀狀

之舉還而伐鄭

賈逵國語注

三

夫三德者可偃之出也

三德欒被完軫胥臣也皆狐偃所舉並國語解

其章大矣不可廢也

章著也又選

子犯卒請城伯請佐

蒲城伯先且居也國語解

戚施不可使仰爾雅釋文曰為四月日春而不

戚施爾雅釋文曰為四月日春而不

惠慈二蔡

二蔡文王子管叔初亦為蔡

詢於八虞

八虞周八士皆在虞官伯達伯适仲突仲

忽叔夜叔夏季隨季駟

大蒐於被廬作三軍

唐云立新軍之上下也

戰以錚于丁寧傲其民也

唐云錚于錫也並國語解

川涸山崩

涸竭也

風聽臚言於市

風采也采聽商旅之言也

並文選註

以鞅韋之跗注

一染曰鞅

國語解

夫膏粱之性難正也

膏肉之肥者粱食之精者言食肥美者率

多驕放其性難正也

文選註

使張老延君譽於四方

延陳也

韓獻子老使公族穆子受事於朝

唐云獻子致仕而用其子為公族大夫

納女工妾三十人

妾女樂也

問於張老

張老中軍司馬也

為成師居大傅

唐云為成公軍師兼大傅官

並國語解

山川以達之

樂所以通山川之風類以遠其類初學記

晉其庶乎

庶冀也

少懦於諸侯

懦下也

事君不援而進

援引也

襄子將食尋飯有恐色

尋周也

並文選註以上晉語

讒慝暗昧

暗不明也

文選註

合十數以訓百體

十數自王以下位可十等王臣公公臣大

夫大夫臣士士臣阜阜臣輿輿臣隸隸臣

僚僚臣僕僕臣臺百體百官各有體屬也

合此十數之名以訓導百官之體也

計億事

萬萬為億

並國語解

王使婦人不悻而諫之

唐云羣呼曰諫

史記集解

武王之子應韓不在

不在時已亡也

十邑皆有寄地

寄地獨寄土也

秦景襄於是乎取周土

秦景公宣王季年伐西戎破之遂有其地

並國語解

以上鄭語

為之聳善而抑惡焉

抑止也

文選註

蔡聲子將如晉

唐云楚滅蔡蔡聲子為楚大夫

在中軍王族而已

唐云族親族同姓也

並國語解

與王心違

違異也



緬然引領南望

緬思貌也

大能掉小

掉搖也

以交傲子

交其也

並文  
選註

作懿戒以自傲也

懿戒書也

武丁於是作書

書說命也

並國語

民之精爽不攜貳者

精明也

文選註

命火正黎司地

唐云火當為北北陰位也

國語解

日月會於龍豸

豸龍尾也月令孟冬日在尾

獨居思念前世之崇替

崇終也替廢也

惠王以梁子魯陽文子

惠王楚昭王子梁楚北境魯陽文子楚平

王之孫司馬子期之子魯陽公並文選註以上楚語

未嘗有所挫也

摧其鋒曰挫後漢書註

必素見成事焉而後履之

素豫也

大王豈厚裁之

裁制也

以犯獵吳國之師徒

獵取也並文選註

行頭皆官帥

官帥大夫也

難鐸拱稽

唐云稽榮戟也

王稱左畸

稱呼也左畸軍左部

乃皆進自剴於客前以酬客

到到也酬報也將報客使死士自到以示其威行軍士自命也

王總其百執事

王往也百執事百官也

蓋笠相望於艾陵

唐云蓋夫須也並國語解

吾欲與之邀天之衷

邀求也文選註

國人欲告者來告

告不任軍事也

王背檐而立

唐云檐屋名也並國語解以上吳語

苟得聞子大夫之言

親而近故曰子大夫也

係妻孥

係繫也

乃必有偶

偶對也

無曠其衆以為亂梯

梯猶階也

並文選註

德虐之行因以為常

唐云言無德行虐習以為常

忠臣解骨

解骨子胥伏屬鏤也

並國語解

蹶而趨之

蹶走也

蚤晏無失

天晏晚也

並文選註

吳王帥其賢良與其重祿

重祿大臣也

唐云重祿寶璧○國語解

又安知是譏譏者乎

譏譏巧言也

公羊釋文

陰遁而不能蒸

蒸升也

百姓攜貳

攜離也

並文選註

施三服義

三謂忠信仁也國語解

聃由鄭姬

文王子聃季之國也史記索隱

駟見而隕霜

駟房星也初學記

高位實疾顛厚位實腊毒

顛隕也腊久也言味厚者其毒久也

天地之所祚

祚祿也今本作祚無之字並文選註

有崇伯鯀

崇國名伯爵也書舜典疏

子朝景王之長子也文選註按此註當在景王既殺下門子篇

元王勤商十有四葉而興

湯之祖契謂之元王類聚並補周語

大刑用甲兵

謂諸侯不式王命則以六師移之國語解書舜典

疏引賈逵註用甲兵者諸侯逆命征討之政也

今齊社而往觀旅

旅客也

文選注

嘗禘烝享之所致君者有數矣

臣致祭肉于君謂之致胙

國語解並補魯語

並補魯語

論擇也

初學記

補齊語

驪姬置堊於肉

革鳥頭也

初學記

諏于蔡原訪于辛尹

辛甲尹佚蔡公原公也

先君唐叔射兕于徒林殪以為大甲

以兕革為大甲

初學記並補晉語

並補晉語

先君莊王為匏居之臺

匏居高臺名

初學記補楚語

赤羽之矰

今本作朱羽

矢羽為矰

初學記補吳語

賈逵國語注

未	未	未	未	未	未	未	未	未	未
未	未	未	未	未	未	未	未	未	未
未	未	未	未	未	未	未	未	未	未
未	未	未	未	未	未	未	未	未	未
未	未	未	未	未	未	未	未	未	未
未	未	未	未	未	未	未	未	未	未
未	未	未	未	未	未	未	未	未	未
未	未	未	未	未	未	未	未	未	未
未	未	未	未	未	未	未	未	未	未
未	未	未	未	未	未	未	未	未	未



子史鈎沈 逸書考

唐固國語注 甘泉黃齋學

載囊弓矢 史記周本紀集解

藥韜也 史記周本紀集解

昔我先王世后稷

父子相繼曰世 同上

猶其原隰之有衍沃也 具原南次而立春

下平日衍有漑曰沃 同上

陳錫載周

言文王布錫施利以載成周道也 同上

農祥晨正

農祥房星也晨正謂晨見南方謂立春之日 初學記歲時部上 御覽二十

是教逆也

言不教之順而教之逆 史記魯世家集解

宣王欲得國子之能導訓諸侯者

國子謂諸侯能治國養百姓者 韋解

宣王既喪南國之師

南國南陽也 史記周本紀集解

伯陽父曰

伯陽甫周柱下史老子也 同上

鸞鸞鳴於岐山

鸞鸞鳳之別名也 韋解引三君云 案三君謂鄭賈唐

周文公之詩曰兄弟鬩于牆外禦其侮

常棣召穆公所作 韋解引鄭唐二君

鄭武莊有大勲力於平桓

奪鄭伯政鄭伯不朝王伐鄭鄭祝冊射王



中肩豈得為功桓當為惠傳曰鄭有平惠之勲韋解

昔隲之亡也由仲任

隲為鄭武公所滅非取任氏而亡也同上

鄆由叔姪

亦鄭武公滅之不由女亡也同上

狄人來誅殺譚伯

譚伯周大夫原伯毛伯也史記周本紀集解案素隱云

左傳太叔之難獲周公忌父原伯曹固據傳又讀譚為原

野有庾積

十六斗曰庾韋解

不亦嬪姓矣乎

姓命也一曰夏氏姬姓鄭女亦姬姓故謂

之嬪姓韋解引賈唐二君云

楚子入陳

遂取陳以為縣韋解

故名之曰黑臀於今再矣

時晉景公在位成公生景公故言再同上

克厭帝心

補音

昊天有成命二后受之成王不敢康

言昊天有所成之命文武則能受之謂脩

己自勤以成其王功非謂周成王身也

引賈鄭唐說

二后受之讓於德也

二后所以受天命者能讓有德也

治云

將鑄大錢

大錢重十二銖文曰大泉五十

二曰太族所以金奏贊陽出滯也

太族正聲為商故為金奏所以佐陽發出

滯伏也

是故先王制諸侯使五年四王六相朝

先王謂堯也五載一巡狩羣后四朝

莊公丹桓公之楹而刻其桷

大桷榱頭也

大懼乏周公太公之命祀

周公為大宰太公為太師皆掌命諸侯之

國所當祀也或云命祀三公也韋解引賈唐二君云

嘗禘烝享之所致君胙者有數矣

臣祭致肉於君謂之致胙同上

烝將躋僖公

烝祭也韋解金奏贊則出帶也

其天札也

未名曰天同上

水虞於是乎講眾鬻取名魚登川禽而嘗之  
寢廟行諸國人助宣氣也

孟春同上

土之怪曰獺羊

獺羊雌雄不成者也韋解史記孔子世家集解文選思左

賦注

師尹維旅牧相宣序民事

師尹大夫官也掌以美詔王維陳也族眾

土也牧州牧也相國相也皆百官政事之

所及也一曰師尹公也詩云赫赫師尹

引三君云

宗不具不繹

繹祭之明日也

韋解

宗室之謀不過宗人

不過宗人不與他姓議親親也

韋解引虞唐云

今吾子之教官僚

同官為僚

韋解已上曾語

夫管仲射寡人中鈞是以濱於死

濱近也管仲臣於子糾乾時之戰射桓

公中鈞

韋解引三君云

九妃六嬪

九妃三國之女以姪娣從也

韋解

制國以為二十一鄉

四民之所居也

同上

士鄉十五

士與農共十五鄉

同上案管子小匡云商工之鄉六十農

鄉十五此唐說所本

服大輅龍旗九旒渠門赤旂

大輅玉輅同上齊語

非禮不終年

不終其年韋解

伯氏不出

伯氏申生也一云伯氏狐突也韋解引唐云

不懼不得

不得不得君心也同上

弑君以為廉

為太子殺奚齊不有其國以為廉也韋解

夷吾逃於梁

梁晉滅以為邑同上

出共世子而改葬之

唐以賈君為申生妃同上

貞之無報也孰是人斯而有是臭也

貞正也謂惠公欲以正禮改葬世子而不

獲吉報也孰誰也斯斯世子也誰使是人

有是臭者言惠公使之也或云貞謂申生

也韋解引賈唐云

作轅田

讓肥取礲也韋解

凡黃帝之子二十五宗

繼別為小宗

同上

昔少典娶於有蟫氏生黃帝炎帝

少典黃帝炎帝之父

韋解引虞唐云

公請隧

隧王之葬禮

韋解引三君云

文公誅觀狀以伐鄭

誅曹觀狀之罪還而伐鄭

韋解

夫三德者偃之出也

三德欒枝先軫胥臣皆狐偃所舉

韋解引賈唐云

狐毛卒使趙衰代之

代將

軍 韋解引虞唐云

惠慈二蔡

蔡文王子管叔初亦為蔡

韋解引三君云

詢於八虞

唐國語注

八

八虞周八士皆在虞官伯達伯括仲突仲

忽叔夜叔夏季隨季騶韋解引賈唐曰

諷於蔡原而訪於辛尹

辛甲尹佚蔡公原公也詩思齊正義引賈

作三軍

去新軍之上下韋解

昔年乃有賈季之難

晉蒐於夷舍二軍同上

戰以錙于丁寧

錙于錙也同上

卻至以韎韋之跗注

一染曰韎韋解引三君云

呂錡佐呂莊子於上軍

荀首將上軍韋解

使公族穆子受事於朝

獻子致仕而用其子為公族大夫同上

問於張老

張老中軍司馬也韋解引三君云

及為成師居大傅

為成公軍師兼太傅官

韋解已上晉語

建九紀以立純德

九紀九功也

韋解引賈唐云

合十數以訓百體

十數自王以下位有十等王臣公公臣大夫大夫臣士士臣阜阜臣與與臣隸隸臣僚僚臣僕僕臣臺百體百官各有體屬也

合此十數之位以訓導百官之體

同上

王使婦人不幃而譟之

羣呼曰譟

史記周本紀集解

應韓不在

不在時已亡也

韋解引三君云

秦景襄於是乎取周土

秦景公宣王季年伐西戎破之遂有其地

同上鄭語

蔡聲子將如晉

楚滅蔡蔡聲子為楚大夫

韋解



在中軍王族而已

族親族同姓也同上

於是乎作懿戒以自儆也

懿戒書也韋解引三君云

武丁於是作書

書說命也韋解引賈唐云

命火正黎司地以屬民

火當為北韋解 案臣瓚注漢書以為古文火字似北見史記麻書索隱

已上楚語

行頭皆官師

官師大夫也韋解引三君云

擁鐸拱稽

稽檠戟也韋解

鼓丁寧鐔于

鐔于鐔同上

王稱左畸曰攝少司馬茲與王士五人坐於

王前

稱呼也左畸軍左部也攝執也少司馬茲

與王士五人皆罪人死士也韋解引賈唐二君云

乃皆進自剄於客前以酬客

剄剄也酬報也將報客使死士自剄以示

其威行軍士用命也同上

葢笠相望於艾陵

葢夫須也韋解

國人欲告者來告

告不任兵事也韋解引三君云

王背檐而立大夫向檐

屋名也孟子梁惠王疏已上吳語

德虐之行因以為常

言無德行虐習以為常韋解

忠臣解骨

解骨子胥伏屬鏹也韋解引賈唐二君云

與其重祿

重祿寶璧也韋解已上越語

附錄

王將鑄無射而為之大林

韋解賈侍中云無射鍾名律名無射也大林無射之覆也作無射為大林以覆之其律中林鍾也或說云鑄無射而以林鍾之數益之唐尚書從賈

故名之曰黃鍾所以宣養六氣九德也

禮記月令正義引注云十一月建子陽氣在中六氣陰陽風雨晦明九德金木水土正德利用厚生作事宜徧黃鍾象氣伏地物始萌所以徧養六氣九功之德案國

語下文二曰太簇所以金奏贊陽出滯也禮正義引賈唐云太簇正聲為商故為金奏所以助陽出滯物也據此則上下文所引注皆賈唐注可知無律管也古人引律三曰姑洗所以修絜百物考神納賓也禮記正義引注云是月之物修絜故用之宗廟致神納賓也說見上命樂示鬼神禮五曰夷則所以詠歌九則平民無貸也禮記正義引注云乾九五用事夷平則法

也言法度平故可詠歌九功之法平民使  
不貸也 說見上

六曰無射所以宣布喆人之令德示民軌儀  
也 喆韋本作哲

禮記正義引注云乾上九用事無射陽氣  
上升陰氣收藏萬物無射者也喆人后稷  
布其德教示以法儀當及時銍穫而收藏  
之 說見上

二間夾鍾出四隙之細也

禮記正義引注云夾鍾夾助陽四隙謂黃  
鍾大呂太簇夾鍾凡助出四隙之微氣令  
不滯伏於下也 說見上

五間南呂贊陽秀也

禮記正義引注云坤六二也南任也陰任  
陽事助成萬物贊佐也陰佐陽秀成物也  
說見上

六間應鍾均利器用俾應復也

禮記正義引注云坤六三用事應當也言

陰當代陽用事百物可種藏則均利百工  
之器俾應復者陰陽用事終而復始也

說見

上已上周語

木石之怪曰夔蝸蝮

韋解或云夔一足越人謂之山縑舊音山

縑音騷唐賈孔並同

魯語

縑山於有牢

舊音出縑字云賈唐孔作環

反胙於絳

韋解賈侍中云反復也胙位也絳至國也  
也晉獻公卒奚齊卓子死國絕無嗣晉侯  
失其胙位桓公以諸侯討晉至高梁使  
朋帥帥立公子夷吾復之於絳是為惠公  
事在魯僖九年唐從賈

以上齊語

設微薄而觀之

左氏僖二十三年傳釋文引國語云薄簾  
也案國語下疑脫注字宋公序云韋注亦  
無簾薄之說恐是賈唐所注

唐國語注  
與麗土之狄

舊音麗土唐賈與韋同孔晁為酈

今陽子之情諱矣

舊音諱唐本為諱

趙簡子問於壯馳茲

舊音壯馳茲音莊賈孔本同唯唐固依春

秋公子譜作壯案唐本當作莊傳寫之誤

已上晉語

而與專同

舊音剽賈唐孔作專

鄭語

椒舉娶於申公子牟

舊音湫舉唐孔本並作椒

納之太宰嚭

韋解嚭吳正卿故楚大夫伯州黎之子魯

昭元年州黎為楚靈王所殺嚭奔吳唐尚

書云平王殺之

越語

書云平王郊之

禮記云平王郊祭為祭靈王祖孫禘於吳

章樂禘吳五廟於彼大夫於世祭之千餘

麻之太宰禘

舊音麻舉與升本並升麻

麻舉與保申公千半

舊音傳買與升升專

子史鈎沈明河下之相淵而來實 逸書考

王肅國語章句甘泉黃爽學

鄭伯南也

鄭伯爵而連男言之猶言曰公侯足句辭

也 左氏昭十三年正義 周語

墮會稽

墮毀也史記孔子世家集解

山川之靈足以紀綱天下者其守為神

守山川之祀者為神謂諸侯也同上



社稷之守為公侯

但守社稷無山川之祀者直為公侯而已  
於周為長狄今為大人

周之初及當孔子之時其名異也同上  
長者不過十之數之極也

十之謂三丈也數極於此也同上  
通道於九夷百蠻

九夷東方夷有九種也百蠻夷狄之百種  
各以方面所有之財賄而來貢同上

使無忘服也

使無忘服從於王也同上  
已上 曾語





於地動

左氏文九年經正義

晉侯端委以入

玄端之衣委貌之冠也

御覽六百八十五

行埋以節逆之

理孔晁本作李

行埋行人之官也

左氏僖三十三年傳正義

禮如行人

行人使人也以使人之禮禮之不從聘者

之賜禮也

左氏成十三年傳正義

二十四年

昭二十一年

左氏昭二十一年傳正義

則我皇妣大姜之姪伯陵之後逢公之所憑

謂也

大姜大王之妃王季之母也女子謂昆弟

之子曰姪伯陵大姜之祖逢公大姜之姪

伯陵之後逢公殷諸侯也

左氏昭十年傳正義

語

而觀民於社

聚民於社觀戎器也

左氏莊二十三年經正義

孔氏國語注

室如懸磬

懸磬但有柄無覆蓋

左氏傳二十六年傳正義

幕能帥顛頊者也有虞氏報焉

幕能脩大功不及祖德不及宗故存於歲

之大烝而祭焉謂之報

左氏昭八年傳正義脩大下疑脫字

既其葬也焚烟徹於上

已葬而樞焚烟達椁外

左氏文二年傳正義

幽滅於戲大姜之被射於之於戲公之於戲

戲西周地名

詩王城譜正義

平幹五義

晉侯使行人問焉

韓獻子白晉侯使行人問也

左氏襄四年傳正義

咨才為諷

材謂政幹也

同上

重之以六德

既有五善又自謂無及成為六德

同上

是故天子大采朝日

大采謂袞冕

禮記玉藻正義

少采夕月

少采謂黼衣同上已上魯語

作轅田

爰易也賞衆以田易其疆畔左氏傳十五年傳正義

業轅爰通用

聞其辭脅欲觀其狀

聞公子脅幹是一骨故欲觀之左氏傳二十三年正義

正義

謀其將浴

謀候也同上

設微薄而觀之

微薄也同上

其左執鞭弭右屬橐鞬

馬鞭及弓分在兩手欲辟左帶橐鞬之文

故云左執同上

乃婦女而納幣且逆之

婦懷贏更以貴妾禮迎之也同上

欒武子將上軍范文子將下軍

上下中軍之上下也傳曰欒書將中軍上

變變佐之又曰欒范以其族夾公行左氏成十六年傳正義

辛巳朝於武宮

以辛未盟入國辛巳朝祖廟取其慈也左氏成十八年傳正義

正月乙酉公即位

二月即位言正月者記者誤也同上

欒伯請公族大夫

公族大夫掌公族及卿大夫子弟之官左氏

宣二年傳正義

無忌備公族

備公族大夫左氏成十八年傳正義

歌鍾二肆

歌鍾鍾以節歌也左氏襄十一年傳正義

七合諸侯

不數救陳與成鄭虎牢餘為七也同上

作九合

若諸侯服不過三年不服不過十年過是晉

之殃也

人雖有命荒淫者必損壽無外患則并心於內故三年死諸侯不服則思外患損其內情故十年無道之君久在民上實國之殃也

左氏昭九年傳正義

士景伯如楚叔魚為贊理

景伯晉理官叔魚佐之景伯聘楚叔魚專

斷左氏昭十四年傳正義

邢侯與雍子爭田

邢與鄆比爭疆畝

同上

遂施邢侯氏

施廢其族也

左氏昭十四年正義傳

又正義案孔蓋讀施為弛補音無其族二字

東方之士孰為愈

愈勝也

舊音賈孔並作愈已上晉語

芊姓夔越不足畏也

熊繹立孫曰熊摯有疾楚人廢之立其弟熊延熊摯自棄於夔子孫有功王命為夔

凡尾國語注

子

左氏僖二十六年正義

使名姓之後

聖人大德之後

周禮春官序官疏引孔

能知四時之生犧牲之物

生謂黍稷謂純毛色牲謂牛羊豕

玉帛之類

禮神玉帛

同上

壇場之所

去廟為祧去祧為壇去壇為墠場祭道

曾子問道而出是也

周禮春官序官疏

上下之所祗

上謂凡在天之神天及日月星

地之神謂地山林川谷邱陵也

氏姓之所出而心率舊典者為之宗

既非先聖之後又非名德之後

出之後子孫而心常能循舊典者則為大

宗大宗者於周為宗伯

祀以會

四方來會助祭也

禮記王藻正

遠不過三月近不過浹日

遠牛羊豕近犬雞之屬

周禮充人

將入於棘闈

棘楚邑闈巷門

左氏昭十三年傳

附錄

木石之怪曰夔蝮蝮

韋解或云夔一足越人謂之山繅舊音繅

音騷唐賈孔並同

魯語

與麗土之狄

舊音麗土唐賈與韋同孔晁為

今忼日而漱歲

舊音漱孔晁注為渴

吾伏歛貉血

舊音孔晁作喀音客

趙簡子田於螻

舊音螻賈孔本並作婁

趙簡子問於壯馳茲

孔晁國語注



舊音壯馳茲音莊賈孔本同己上鄭語

惡角犀豐盈

舊音角犀賈唐孔本作犀

而與專同

舊音剽賈唐孔作專己上鄭語

椒舉娶於申公子牟

舊音湫舉唐孔本並作椒楚語

子史鈎沈兩式食佛甘必逸書考

孔衍春秋後語曰盧藏用注

蘇秦歸周夜發書篋數十得周書陰符伏而

讀之欲睡引錐刺其股血流至踝暮年揣摩

出曰此可以說當世之君矣案此文本見秦策故仍編入秦

後語并以下條附焉

蘇秦事鬼谷子學終辭歸道行乏困以燕人

蠡卜傳食自給各解臧獲之裘

秦孝公使公孫鞅定法令法令既具恐人不信乃立三丈之木於國都市南門募民有能徙置北門者與千金

陳軫爲楚使來見秦惠王惠王謂陳軫曰今韓魏相攻朞年不解或謂寡人救之便或曰勿救便寡人不能自爲決願子爲寡人計之軫曰亦嘗有以卞莊子之刺一作虎鬪於王者乎王曰不聞軫曰昔卞莊子方刺虎而管豎子止之曰兩虎方食牛牛甘必爭爭必鬪

鬪則大者傷小者死從傷而刺之一舉必有雙虎之名卞莊子以爲然立而顧之有頃兩虎果鬪大者傷小者死一舉果有雙虎之功今韓魏相攻朞年不解是必大國傷小國亡從而伐之一舉必有二實此猶卞莊子刺虎之類也惠王曰善卒不救待其敗而攻之果大尅

甘茂曰臣聞魏文侯命樂羊將攻中山三年而拔之樂羊反而論功文侯示之謗書一篋

甘茂奔齊路逢蘇代將為齊使於秦甘茂曰  
臣得罪於秦逃遁至此無所容跡吾聞貧人  
女與富人會績貧人女曰我無錢以買燭而  
子燭幸有光子可以分我餘光無損子明而  
得一斯便焉

頃襄王二十年秦白起拔楚西陵或拔鄢郢  
夷陵燒先王之墓王徙東北保於陳城楚遂  
削弱為秦所輕於是白起又將兵來伐案御覽本  
文祇云白起將兵伐楚而姚本國策注云此  
段首有缺文史記新序後語皆有之文亦小

異今以後語補則此楚人有黃歇者游學博  
文本出後語當從之聞襄王以為辨故使於秦說昭王曰天下疆  
國莫過於秦楚今聞大王欲伐楚此猶兩虎  
相與鬪而駑犬必受其弊不如善楚也秦王  
乃止不伐楚約為與國黃歇受之約而歸  
范雎對秦王曰伍子胥橐載注云而出昭關  
韋橐夜行晝伏至於杜陵無以餬其口坐行匍匐  
稽首肉袒而鼓腹吹簫乞食於吳市  
秦欲攻安邑請齊救之則以宋委於齊曰宋

王無道爲木人以象寡人射其面寡人地絕  
兵遠不能攻也王苟能破宋有之寡人如自  
待之

甘維請張唐相燕呂不韋叱曰我自請不行  
汝女能行之甘羅曰夫項橐七歲爲孔子師  
今臣十二歲矣君其試臣何遽叱乎

始皇初立尊呂不韋爲相國時諸侯多辨士  
如荀卿之徒著書滿天下不韋亦使其客著  
所聞集論二十餘萬言以爲備天地萬物古

今之重號曰呂氏春秋布咸陽市懸千金其  
上延諸侯遊士賓客有能增損改定一字者  
與千金莫能有定者

呂不韋謂太后曰詐腐刑嫪毐則得給事中  
乃令人以腐罪告之拔其須眉以爲宦者  
尉繚來說秦王曰以秦之強諸侯譬如郡縣  
之君臣但恐若或合從醮而出不意此智伯  
夫差潛王之所以亡也願大王無愛財物賄  
其豪臣以亂其謀秦不過亡三十萬金則諸

侯可盡王大喜之

並御覽

秦三十二年燕人盧生奏錄圖曰亡秦者胡也始皇乃使將軍蒙恬將兵三十萬北擊胡取河南地遂築長城以為塞三十六年始皇南巡還至平原津病始皇惡言死無復言死事病甚乃璽書賜扶蘇使以喪會咸陽而葬以書付行符璽令趙高未授使者丙寅始皇崩於沙北唯少子胡亥從丞相李斯恐天下有變不敢發喪棺載還咸陽趙高素與胡亥

善留所賜扶蘇書密謂胡亥曰上崩無詔封王諸子而獨賜扶蘇書扶蘇即位為皇帝太子無尺寸之地胡亥曰為將奈何高曰非與丞相謀事不能成乃謂李斯曰今扶蘇即位必召蒙恬為相於君不亦疎乎於是李斯然趙高言乃詐受始皇詔立胡亥為太子更作書賜扶蘇曰朕巡行天下禱祀名山以延年壽而數上書非我所為日夜怨望不得為人子不孝其賜自裁將軍恬與蘇居不匡正宜

知其謀為人臣不忠亦賜死扶蘇為人仁得書泣卽死胡亥卽位爲二世葬始皇於酈山

文選思  
玄賦注

二世夢白虎齧其左驂殺之心惡怪之卜云

涇水爲祟御覽

右秦語

案秦策黃歇說秦昭王篇鬼神

注潢戶廣反洋音養又中期堆琴引後語作伏琴又范睢云人主賞所愛引後

語作庸主  
今並闕

齊桓侯六年越醫扁鵲過齊桓侯客待之人

朝見曰君有疾在腠理不治將深桓侯曰寡人無疾扁鵲出桓侯謂左右曰醫之好利欲以不病爲力後五日復見曰君疾在血脉後五日復見曰君疾在腸胃後五日見桓侯而退走桓侯使人問其故曰疾在骨髓臣是以無請也桓侯遂卒御覽

秦師臨周以求九鼎顯王患之以告顏率率

曰請救於齊遂說齊王國策注引後曰秦無

道欲興師求周之鼎君臣計不若歸齊卽願

王圖之齊王悅發師救周秦師罷齊求鼎顏  
 率曰周即獻鼎然不可懷挾提揭不識何塗  
 之從王曰塗於梁率曰梁欲求鼎謀於暉臺  
 之下小海之上梁必不出也王曰從楚率曰  
 謀於章華臺之上國策本作葉庭之中注楚  
 必不出矣齊王乃止帖白  
 淳于髡見鄒忌曰狐裘雖敝不可補以黃犬  
 之皮忌曰諾謹受教請擇君子無雜小人其  
 問

鄒忌與田忌不相善公孫閱謂鄒忌曰何不  
 詐令人操千金卜於市曰我田忌之人也吾  
 三戰而三勝聲威天下欲為大事亦吉乎卜  
 者出因令人捕之卜者驗其辭於王之所鄒  
 忌從之田忌懼無以自白遂率其徒襲攻臨  
 淄欲殺鄒忌不勝而奔

初孫臏與龐涓俱學兵法涓既事魏惠王將  
 自以為不及孫臏乃使之召孫臏孫臏至以  
 法刑之斷其兩足後齊使以為奇竊載與之

歸田忌善客得之田忌數與齊諸公子馳逐  
重射注云馳馬爭先射重科爲勝也孫臏見其馬足不甚相  
遠有上中下輩於是臏謂田忌曰君第重射  
我能令君勝田忌信然之與王及諸公子逐  
射千金臨質孫臏曰取君之下駟與彼上駟  
取君之上駟與彼中駟取君之中駟與彼下  
駟既三輩畢而田忌不一勝而再勝忌得千  
金於是田忌進孫臏於威王王問兵法而師

淳于髡曰夫鳥同翼者聚飛而獸同足者俱  
行各有倚也

昔齊有良兔曰東郭俊一日走百里有良狗  
曰韓子獵亦一日而走百里使人逢見而指  
屬則雖韓子不及良兔躡跡而蹤之則雖東  
郭子能離也

淳于髡說齊威王曰韓子獵者天下之壯犬  
也東郭俊者海內之狡兔也韓子獵逐東郭  
俊還山者三騰山者五免極於前而犬疲於



後犬免俱疲各死其處田父見而獲之無勞  
倦之苦而擅其功今齊魏相持頓兵敝衆臣  
恐強秦大楚乘其後而有田父之功威王懼  
而罷兵並御覽

薛靖郭君曰嬰嬖妾五月五日生子文俗云  
此日生子及戶損其父妾匿養之文長日受  
命於天受命於戶何不高其戶帖白

田文謂其父靖郭君曰君後宮蹈綺縠之衣  
而士不得短褐一見事類賦注

孟嘗君每待客坐語屏風後嘗有侍史工誥  
所與客語知其親戚居處客去後使使謝餽  
無所遺失

馮諼謂孟嘗君曰聞狡兔有三穴僅得免其  
死耳

蘇秦如齊見王拜而慶仰而弔齊王曰是何  
慶弔相隨而速也蘇秦曰臣聞飢人之所以  
不食烏喙者以爲雖偷充腹而與死人同患  
也今燕雖小秦王之女壻大王利其十城

而長與強秦爲仇今使弱燕爲鴈行而強秦繼推其後是食烏喙之類

蘇秦在齊齊大夫多與爭寵而使人刺之不殊而走齊王求賊不得蘇秦將死乃謂王曰臣死之後王車裂臣狗於市曰蘇秦爲燕作亂於齊如此則刺臣之賊必得矣齊王如其言殺蘇秦賊果自出齊王因而誅之

秦攻趙長平齊楚救之趙人無食請粟於齊齊欲勿與周子曰不如與之以退秦兵不與

則秦兵不却是秦之計中而齊楚之計過也且趙之於齊楚捍蔽也猶齒之於唇唇亡則齒亡今日亡趙明日患及齊楚是救趙之務宜若奉漏甕汲焦釜也夫救趙高義也却秦兵顯名也義救亡國威却強秦之兵不務爲此而務愛粟爲國計者過矣齊王不聽秦破趙於長平逐圍邯鄲焉

貂勃常惡田單曰安平君小人也安平君聞之故爲酒而召貂勃曰單何以得罪於先生

常見惡乎貂勃曰然跖之狗吠堯非貴跖而賤堯狗自吠非其主也且使公孫子賢而徐子不肖然而公孫子與徐子鬪徐子之狗將攫公孫子之腓而噬之若乃得去不肖而為賢者狗豈特攫而噬之哉安平君曰敬聞命矣明日乃任之於王

秦始皇聞齊王后賢嘗使遺之連環曰齊人多智能解此乎后與羣臣莫能解乃引椎破之謝秦使曰謹以解矣以報始皇壯其志益

不敢謀齊

並御覽

右齊語

案齊策於威王濮上篇及千綸注引後語作萌章子篇馬棧之下作馬屎之中顏觸作王蠲蘇秦說齊合從篇渤海作北海張儀為秦連橫篇博關下引後語注今兗州博城縣有古關是博關又張儀事秦惠王篇梁王大恐作魏襄王孟嘗君出行國篇小國作五國貂勃常惡田單篇闔陽城而王闔作合今並闕

楚宣王以昭奚恤為相

拔急就篇注引春秋後語楚有昭雁事無

考諸侯畏之王問羣臣曰吾聞北方畏昭奚恤亦誠何如江乙對曰虎求百獸而食之得

狐狐曰子無噉我天帝令我長百獸子若食我是逆天帝之命子以我為不信我為子先行子隨我後觀百獸見我能無走乎虎以為然隨狐而行百獸見之皆走虎不知獸之畏已反以為畏狐也今王地方五千里帶甲百萬而任之於昭奚恤然則北方非畏昭奚恤實畏王之甲兵故人臣見畏者君威也君不用則威亡矣

蘇秦在楚三年乃得見王談卒辭行威王曰

寡人聞先生若聞古人今先生不遠千里而臨寡人曾不肯留願聞其說對曰楚國之食貴於玉薪貴於桂謁者難得見於鬼王難得見於帝今臣食玉炊桂因鬼見帝何事不去威王曰先王就舍寡人間命矣蘇秦南說楚威王曰楚天下之強國也上天之下之賢王也西有黔中巫郡東有夏州注云在廣陵東南有洞庭蒼梧北有汾陘郟陽地方五千里帶甲百

離騷過夏口而海陽注云在揚州海陵縣

萬車千乘騎萬疋粟支十年此霸王之資也  
張儀謂楚王曰夫為從者無異驅羣羊而攻  
虎虎之與羊不格亦明矣今王不與虎而  
羊臣竊以為大王之計過也一見事類賦注  
莊辛對楚王曰臣聞鄙諺曰見兔而顧犬未  
為晚也亡羊而補牢未為遲也

楚威王問宋玉曰先生其有遺行與何士民  
衆度不譽之甚也宋玉對曰夫鳥有鳳而魚  
有鯨鳳凰上擊九千里翱翔乎窈冥之上夫

藩籬之鷄豈能與料天地之高哉鯨魚朝發  
於崑崙暮宿於孟津尺澤之魚豈能具量江  
海之大哉故非獸鳥有鳳而魚有鯨士亦有  
之

楚頃襄王時人有好以弱弓微繳加歸鴈之  
上者王聞之召而問焉對曰外臣之好射騏  
羅驚小矢之發也何足為大王道哉且楚國  
之大因王之賢所弋非直此也昔者三代以  
弋道德五霸以弋戰國夫秦魏燕趙王之騏

鴈也齊魯韓衛者青首也鄒費邾邳者羅鷺也其餘不足射也見鳥六雙唯五何取王若以聖人爲弓勇士爲繳時張而射之此六雙者可得而囊載也其樂非特朝夕之樂也

覽

右楚語

案楚策於張儀爲秦破從篇韓

地莊辛謂楚襄王篇以其類爲招作以其類爲的飲茹溪流作飲茹溪之疏注云茹溪巫山之溪考烈王無子篇注東之封作江東十二縣之封朱英作觀人朱英注觀地在河北平原今並闕

晉太史屠豸見晉之亂以其國法歸周

趙襄子欲保晉陽曰奈何無箭張孟談曰臣

聞董安于之在晉陽公宮之垣皆荻蒿

一見初學記

張孟談陰見韓魏之君曰臣聞唇亡者齒寒

今智伯率二君而伐趙趙將亡矣趙亡則二

君爲之次二君曰我知其然

智伯率韓魏之兵以伐趙圍襄子於晉陽決

晉水以灌晉陽之城不沒者三板智伯行水

魏桓子御韓康子參乘智伯曰吾不知水之可以亡人國也乃今知之然汾水可以灌安邑絳水可以灌平陽魏桓子肘韓康子一丁履桓子之足接於車上而智伯地分身亡國亡為天下笑

襄子大敗智伯軍殺智伯漆其頭以為飲器

一見書鈔

襄子既滅智伯智伯之臣豫讓變姓名入宮塗廁以刺襄子襄子覺而赦之後讓伏於橋

下襄子至橋馬驚使視之復得讓襄子歎曰嗟乎豫讓之為智伯名既成矣寡人之赦子亦足矣子自為計寡人不釋子矣讓曰臣固伏誅願得君之衣而擊之於是襄子義之脫附身之衣以與之讓拔劍三躍呼而擊之曰吾可以下報智伯矣遂伏劍而死

趙烈侯謂其相公仲建曰寡人所愛可以貴之乎曰富可也貴之則不烈侯乃命以田萬畝賜善歌者二人公仲建許諾而不與居一

月烈侯之代還問曰與之乎曰未有可者  
邯鄲之北有蘇人侯蘇秦往說之蘇人侯送  
以黃金百鎰其家丞見曰君侯之與客無故  
舊而送之百鎰其說可得聞耶蘇人侯曰客  
天下辯士立談之間每奪我地而復歸之吾  
地雖小豈直百鎰

武靈王十九年春正月大朝信武宮乃召肥  
義與議天下事五日而畢遂北畧中山登黃  
華之上注云黃華山名也戰國策武靈王遊  
於大陵夢見處女鼓琴而歌登黃華

之上此條  
見戰國策注

張儀說趙王曰今日楚與秦為兄弟之國而  
韓魏稱為藩臣齊獻魚鹽之地此斷趙之右  
臂也

惠文王二十九年秦韓相攻軍於闕與王召  
廉頗問曰可救不對曰道路險狹難救也又  
問樂乘對如廉公言又問趙奢對曰道遠險  
狹譬如兩鼠鬪於穴中將勇者勝王乃令奢  
救之



初廉頗之免於將而歸也失勢故人賓客盡去及復用客乃復至頗謝遣之客曰君何見之晚也天下市道交君不知之耶君有勢我節進君無勢我即去此固其理君何怒焉秦急攻趙求救於齊齊王曰必以長安君為質兵乃出長安君者太后史記索隱引後語作惠文后之少子也太后愛之不肯遣大臣強諫太后怒謂左右曰敢復言長安君為質者老婦必唾其面左師觸龍請見太后曰老臣病足曾不

能疾走不得見久矣自恐太后體有所苦也

太后曰老婦恃輦而行耳因是太后怒色稍

解乃徐說之太后從之案趙策觸龍稱太后為媼注云太后稱媼

非也春秋後語並作太后

趙相虞卿躡屣擔簦來說孝成王王悅賜白

璧一雙黃金百鎰再見拜為上卿故號虞卿

平原君家樓臨民家民家有躡者注云躡躡之各

盤散行汲平原君美人居樓上臨見大笑之

明日躡者至平原君門請曰臣不幸有跛躡

之疾而君之後宮臨而笑臣臣願得笑者頭  
平原君曰諾及躡者去平原君笑曰豎子欲  
以一笑之故殺吾美人不亦甚乎終不殺居  
歲餘門下客稍稍引去過半平原君怪之一  
人前對曰以君之不殺笑躡者於是平原君  
斬所笑美人頭造躡者門而謝焉

趙王使平原君入楚求其從約其客有文武  
者二十人偕得十九人未有可以備二十者  
毛遂請行平原君曰賢士處世譬如錐之處

囊中其鋒立見今先生處勝門下三年無所  
聞之是先生無所能也遂曰臣乃今日請處  
囊中耳若早處囊中乃脫穎而出非特未見  
也平原君乃許與偕

平原君對趙王曰澠池之會臣察武安君之  
爲人也小頭而銳瞳子白黑分明視瞻不轉  
小頭而銳斷敢行也瞳子白黑分明見事明  
也視瞻不轉執志强也可以持久難與爭鋒  
廉頗足以當之

秦急圍邯鄲邯鄲且欲降傳舍吏子李談說平原君曰今邯鄲之民析骨而炊易子而食可謂急矣而君之後宮以百數婢妾被綺縠餘梁肉而民褐衣不完糟糠不厭君器物鐘鼓自若使秦破趙安得而有此哉並御覽秦圍趙邯鄲魏使將軍新垣衍入邯鄲令趙尊秦為帝魯仲連說罷之邯鄲既存平原君欲封魯仲連仲連三辭不受平原君乃置酒酒酣起前以千金為仲連壽仲連笑曰所貴

天下之士者為人排患釋難解紛而無取也則有取者乃商賈之人仲連不忍為也遂

辭平原君而去終身不復見事類賦注

石趙語 宋姚氏戰國策後序引春秋後語二事一為武靈王遊大陵一為平原君楚

召並見本篇

魏侯謀事而當羣臣莫之逮者朝而有喜也起進曰昔楚莊王朝而有憂色申公巫臣曰君有憂色何也莊王曰吾聞諸侯擇師王者擇友霸者自足而羣臣莫之若者亡

以不穀之不肖而議於朝羣臣莫能逮吾國其幾於亡乎吾是以有憂色  
魏太子擊逢文侯之師田子方於朝歌引車避下謂之田子方不為禮太子擊因問曰富貴者驕人乎貧賤者驕人乎子方曰貧賤者驕人耳夫諸侯而驕則失國大夫而驕則失家富貴者安敢驕人貧賤驕人耳行不合言不從則去之楚越若脫屣然太子不憚而去惠施見襄王曰昔王季厯葬於楚山之尾

水注引荆楚記云直都烏水也鬻其墓見棺之前和文王

曰噫先君似一見羣臣百姓也夫故使蠻

水見之於山而為之張張以朝

蘇秦去韓之地說襄王曰大王之地南有鴻

溝陳留汝郟邵陵舞陽新鄭東有淮潁賁

棗無碭西有長城之地北有河外卷衍燕酸

棗地方千里而田舍廬廡之數無所蓄牧人

民之衆牛馬之多日夜行不絕鞫鞫殷殷夫

魏天下之強國也王天下之賢王也

魏哀王與田需為相甚貴信之惠子謂田需曰必善事左右今夫樹楊橫之則生折而樹之又生然使十人樹楊一人拔之則無生楊矣夫以十人之衆樹易生之物不勝一人拔者何也樹之難去之易今子雖自樹於王而欲去子者衆則必危矣

秦破魏軍於華陽走我將軍孟卯

國策史記並作芒卯

王使田干子從與秦南陽干以千金和蘇代

國策孫臣

蘇代謂王曰欲墮者段干子也欲地

者秦也今王使欲地者制墮欲墮者制地魏地不盡則不和且夫以地事秦譬猶以薪救火薪不盡火不滅也王曰是則然矣雖然事始已行不可更矣蘇代曰王獨不見夫搏之所以貴梟乎便則食不便則止今王曰始已行不可更是何言與王之用智不若梟乎王乃止其行

魏有吏嬴脉與王處廩下仰見飛鳥引弓虛發而鳥墮下魏王怪問曰何以得至此嬴脉

曰此藥生也王曰先生何以知之對曰其飛徐其鳴悲其飛徐者故創痛也其鳴悲者久失羣也故創未息而驚心未去聞弦音烈而高飛故墮也

信陵君嘗與王共博於是北境與烽火傳言趙寇至王釋博欲召大臣議之信陵君曰趙王獵耳非為寇也復博如故王恐心不在博居有頃復從北方傳言趙王獵耳非為寇也王大驚曰公子何以知之信陵君對曰臣之

客有能探趙王陰謀者趙王所為客輒以報臣臣以此知之並御覽

右魏語

案魏策樂羊為魏將篇有觀斯贊注引後語作堵今闕

張儀說韓惠王

戰國策作襄王

曰韓地多險惡山居

五穀所生非菽而麥民之食大抵飯菽藿羹一歲不收民不厭糟糠

韓襄王十二年楚圍雍氏韓令使者求救於秦冠蓋相望秦師不出使靳尚如秦謂秦王曰韓之於秦居為隱蔽出為鴈行今韓病矣

秦師不出虜亡齒寒願大王計之也並御覽

右韓語案韓策於張儀為秦連橫說韓王云豆飯藿羹注引後語作

菽餘無考

蘇代為燕說齊欲見齊王齊王怨蘇秦不肯見代代乃說淳于髡曰人有賣駿馬者比三且立於市人莫之知往見伯樂曰臣有駿馬欲賣之比三日立於市人莫與言願子還而視之去而顧之臣請獻一朝之價伯樂少如其言一旦而馬價十倍今臣欲以駿馬見於

王莫為臣先後注云先後導引也足下有意為臣伯

樂乎請獻白璧一雙黃金千鎰以為馬食注云

不示言人欲云為馬之芻草淳于髡曰謹聞命矣乃入言

之於王而見之王果善蘇代

屠毛壽戰國策屠作鹿謂燕王曰不如以國讓子之

人謂堯賢者以其讓天下於許由由不受有

讓天下之名其實不失天下

張儀謂燕王曰昔趙襄子之姊為代王夫人

襄子欲并代因擊殺代王平其地其姊聞之

泣而呼天摩笄自殺代人憐之名其地為笄山

齊趙將伐燕蘇代為燕說趙王曰今者臣來過易水見小蚌方出曝而鵲啄其肉蚌合而挾其喙鵲曰今日不雨明日不雨必見穿蚌謂鵲曰今日不出明日不出必見死鵲兩未相舍漁父得而并擒之今趙且伐燕燕趙久相支以敵其眾臣恐強秦之為漁父也故願大王熟計之趙王於是乃止

燕王使騎劫代將樂毅奔趙士卒離心田單乃令城中食者先祭先祖於庭中飛鳥悉飛舞其上喙食其嚙人皆怪之

荆軻謂樊於期曰願得將軍之首以獻秦王秦王必喜而見臣臣左手把其袖右手搵其胸則將軍之仇報而燕國之耻除矣將軍豈有意乎樊於期遂自刎乃盛樊於期之首函封之於是太子預求天下之利七首得趙人徐夫人七首取之百金使工以藥淬之

注云以藥



水鑿七以試人血濡縷無不立死者乃為裝  
首為粹遺荆軻荆軻將行太子及賓客知其事者二  
十餘人皆白衣冠以送之至易水之上既祖  
取道高漸離擊筑荆軻和歌為濮上聲士皆  
流涕又前而為歌曰風蕭蕭兮易水寒壯士  
一去兮不復還復為羽聲慷慨士皆瞋目髮  
盡衝冠於是荆軻遂就車而去並御覽  
齊威王與魏惠王會田於郊魏王問威王曰  
王有寶乎威王曰無有魏王曰若寡人國雖

小猶有徑寸之珠照前後車各十二乘者十  
枚奈何為萬乘之國而無寶乎威王曰一人  
之所以為寶與王異吾臣有檀子者使守南  
城則楚人不敢為寇東取泗上十二諸侯皆  
來朝吾臣有盼子者使守高唐則魏人不敢  
東漁於河吾臣有黔夫者使守徐則燕人祭  
北門趙人祭西門徙而從之者七十餘家吾  
臣有種首者使備盜賊則道不拾遺以此為  
寶將以照千里豈直十二乘哉魏惠王不懌

而去

羣輔錄云見史記及春秋後語案此條應補入齊語

右燕語

案燕策此篇下有中庶子蒙嘉

也今闕

蒙恬弟也今闕

此篇見齊語下中庶子蒙嘉  
案此條應補入齊語  
右燕語  
案燕策此篇下有中庶子蒙嘉  
也今闕  
蒙恬弟也今闕

